

Lungzcin Cunh:

Mbanjranz Faex Heu Va Hom Swnghdai Gyaeu

龙镇村：树绿花香生态美家园

□ Cangh Binh Maj Yiz

Daemzngaeux baenz benq gvangqyubub.

Yungzyen Swliengz Cin Lungzcin Cunh daengxgyoengq vunzmbanj dawz hwnjguh aenmbanj caeuq hongsaeh hwngfat giethab hwnjdaeu, hawj vunzvunz roxyiuj giindei louz ndei bya heu raemx saw, henhoh aenmbanj gyaunde, caezsim haenq-rengz bae cauxguh aen mbanjranz mbanj gyaeu minz fouq vunz doxhuz ndeu.

Lungzcin Cunh dieg youq baih-baek Swliengz Cin, liz gyanhaw Swliengz miz 3.5 goengleix gya. Daengx cunh miz 16 aen cunhminz siujcuj, gungh 827 ranz 2563 vunz. Geij bi neix daeu, vunzmbanj aen cunh neix hopheux gij moegbiu "cauxguh aen vanzging ngamj hongsaeh ngamj dinghyouq swnghdai, swyenz, gyaunde ndeu" neix, giethab giindei swhyenz swnghdai ndaw cunh, hableix gohyoz dwk bae dajveh caeuq haifat. Bi 2015 nienzco, gyoengq vunzmbanj ging-gvaq doxcomz caez yaeng gietdingh gag baengh rengz bonjfaenh dawz Byabauyaz guh baenz aen gunghyenz ndeu, baenzneix gangi guh couh guh, gyoengq vunzmbanj miz ngaenz ok ngaenz, miz dieghoengq ok dieghoengq, gonqlaeng comz ndaej 60 lai fanh maenz ngaenz, caezsim

roengzrengz guh le gyawj bi ndeu seizgan, guhbaenz aen Lungzcin Cunh Swnghdai Vwnzva Gunghyenz ciemq dieg 300 lai moux, ndaem miz gofaextrang, gofaexcueng daengj doenghgo faex dijbauj, comz miz lienhdang, youqndwi, guh' angq caeuq gohbuj gyauyuz caemhguh neix, baenz le gizdieg ndei vunzmbanj ngoenznaengz youqndwi, guh' angq ndeu. Riengzlaeng vunzmbanj youh comz ngaenz 20 lai fanh maenz (dajveh roengzngaenz 100 fanh maenz) laebguh le "swnghdai nungzyez yawjingj diegmbaeq gunghyenz" ciemq dieg 20 lai moux, gaenq guhbaenz diegbingz giuzbyaij yawjingj, haenzfai baiz raemxrongz caeuq aen daemzngaeux ndaem miz mbuva, mbuninz, mbufaen, ndaw daemz cuengq ciengx byaleixgim, hanqmbwn daengj doenghduz dem, comz swnghdai yawjngonz, fuzbinz baenz fouq caez guh ndeu, baenz Yungzyen, Yilinz Si caiqlij daengx Guengjsae aen gunghyenz diegmbaeq cunhgaep daih' it ndeu.

Riengzdwk ndaw cunh gak cungj goekdaej goengnaengz guh ndaej caezcienz, Lungzcin Cunh bienq ndaej engq gyaunde, gyoengq vunzmbanj aensim caemh engq haenz

lo — Ndaw cunh doenggvaq hwngfat cizdij ginghci, gyarengz guh ndei hongsaeh daegsaek swnghdai lijyouz caeuq gyagoeng cehmbu, hawj vunzmbanj souhaeu ndaej demlai. Seizneix, gyoengqde youh doenghhong guh aen suen daejniemh yawjingj makbugdiengz miz 200 moux dieg ndeu, cauxguh ranghdieng guhyiengh nungzyez yawjingj daemzngaeux, dawz aen Daemzlungzcin baihnaj cunhveijvei gaj guh baenz daemzngaeux yawjingj, coihcingj aen cingraemx gaeuq miz 200 lai bi lizij haenx... Daj bi 2015 doxdaeu, Lungzcin Cunh gonqlaeng aeundaej aen mingzdaeuz ndei "Yilinz Si aenmbanj guhyiengh swnghdai" caeuq "Swcigih aenmbanj guhyiengh swnghdai".

Seizneix, Lungzcin Cunh roenmbanj bingzbwd gvangqyub luengq-hongh doengrat, ranzlaeuz daengj-roebroeb, faexheu gova hophumx. Gyoengq vunzmbanj cwxcaih dwk youq ndaw suencaz nyaeb mbawcaz, youq ndaw suen makbugdiengz ganqhoh, youq ndaw swnghdai vwnzva gunghyenz ciengqheiq, youq giuzcangz ronghdaeng dwkgiuz lienhdang, saedcej angqyangz vuenyungz.



▲ Hekyouz doxcaeh bae vawi va' neaeux.



▲ Vunzmbanj guh ranzlaeuz moq saedcej vuenyungz.



▲ Vunzmbanj banh ciet gaebbya mbaenj fuk.



▲ Aendiengz diegbingz ndaw gunghyenz.



▲ Luengqhongh gyaqva dem gingi lengi.



▲ Lwgnyez youq ndaw gunghyenz guhcaemz.



▲ Mehmbwk doxcomz diuqfoux.